

全上古三代秦漢三國六朝文

全宋文卷十三

烏程嚴

南平王錄

錄字休玄小字烏羊文帝第四子元嘉十六年封南平王歷冠軍將軍湖州刺史累遷南豫州豫州刺史領安蠻校尉改散騎常侍撫軍將軍戍石頭元凶弑立呂爲中軍將軍進征虜將軍開府儀同三司南兖州刺史孝武定亂進司空賜藥死追贈侍中司徒諡曰穆王有集五卷

荅移魏若庫辰樹蘭

知己邊氓擾動多有叛逆欲杜絕奸宄南息民患又欲迭送奔亡禁其來往申告嘉貺實獲厥心但彼和好日來矢言每缺侵軼之獎屢違義舉任情背畔專肆暴略豈唯竊犯王黎乃害及行使頃誅討蠻髦事止畿服或有狐奔鼠竄逃首北境而輒便苞納待之

全宋文卷十三

南平王

著舊資其糧仗縱爲寇賊往歲擅興戎旅禍加孩髦罔顧善鄰之
教不惟疆域之限求示所云彼並行之雖豐辭盈觀卽事違實與
嫌長亂實彼之由反召爲言將違躬厚之義疆場之民有自來矣
且相期有素本不介懷若於木欲消奸弭暴永存匪石宜先謹封
守斥遣諸亡驚蹙逸鏃不妄入境則邊城之下外戶不閉王制嚴
明豈當獨負來信若亡命奔越侵盜彼民斯固刑之所取無勞遠
及自荷閫外思闡皇猷每申救守宰務敦義讓往誠未布能不愧
怍當重約示召副至懷

宋書索隱傳元嘉二十五年虜寇南將軍
豫州刺史卅并族若庫辰樹蘭移書豫州

右將軍雍州刺史
南平王鑠岑移

竟陵王誕

誕字休文文帝第六子元嘉二十年封廣陵王歷北中郎將南
兖州刺史徙南徐州刺史二十六年改封隨郡王出爲後將軍
雍州刺史遷安南將軍廣州刺史未行改授安東將軍會稽木

守孝武卽位徵爲衛將軍、荊州刺史、進號驃騎將軍、未行遷侍
中驃騎大將軍、揚州刺史、改封竟陵王、孝建中遷太子太傅、南
徐州刺史、大明初出爲南兗州刺史、鎮廣陵、三年舉兵、桓命沈
慶之攻殺之、有集二十卷、

奉表自陳

往年元凶禍逆、陛下入計、臣昔因赴順、可謂常節、及丞相構難、

魯協從、朝野恍惚、咸懷憂懼、陛下欲建建字從魏書補百官羽儀、星馳推

奉、臣前後固執、方賜允俞、魏書作未方賜從就稷獲全、是誰之力、陛下接

遇慈憫、累加榮寵、驃騎揚州、旬月移授、恩秩頻加、復賜徐兗、仰屈

皇儲、魏書作與遠相餞送臣一遇之感、感此何忘、魏書不重感字度希

魏書作庶希偕老、永相娛慰、豈謂陛下信用讒言、遂令無名小人來相

掩襲、不任枉階、卽加誅翦、魏書作擿雀鼠貪生仰違詔敕、令視勒部曲、

鎮扞徐兗、昔緣何福、同生皇家、今有何愆、便成胡越、陵鋒奮戈、萬

沒豈顧濫定呂期

勅書作之期

冀在旦夕右軍宜簡爰及武昌皆已無

罪並遇枉酷臣有何過復致於此陛下宮帷之醜豈可三緘

諫書作一

二臨紙悲寒不知所言

宋書袁陵王誕傳上使沈慶之軍大猷計誕親奉表投之城外又見建書品夷傳

建平王宏

宏字休度文帝第七子元嘉二十一年封建平王歷中護軍領

石頭戍事出為征虜將軍江州刺史徵為中書令領驍騎將軍

元凶弒立為左將軍丹楊尹遷鎮軍將軍江州刺史孝武卽

位拜尙書左僕射加冠軍將軍中書監轉尙書令加散騎常侍

進衛將軍大明二年薨追贈侍中司徒諡曰宣簡王

駁丘邁之閏月周忌議

邁之議不可準據案晉世及皇代呂來閏月亡者皆呂閏之後月

祥宜呂來年七月為祥忌

宋書禮志二孝建元年六月湘東國刺補國太妃呂去三

日薨未詳周忌當在六月為取七月勅應官議正博士丘邁之議宜呂今六月為忌左僕射建平王宏謂云云又見通典一百

謹言陳時務議

臣聞建國之道咸殊興王之政不一至於開諫致靈防口取禍因
前王同軌後主共則秦殷之敗語戮刺亡周漢之盛勸升箴獻陛
下召至德神臨垂精思治進儒禮而崇寬赦哀獄法而黜嚴刑表
忠行而舉貞節辟處士而求賢異脩廢官而出滯賞徹天膳而重
農食禁貴遊而弛權酤通山澤而易關梁固已海內仰道天下知
德今復聞不諱之塗獎直辭之路四海希風普天幸甚舉蒙採問
敢不悉心謹條鄙見置陳如左辭理違謬伏用震懼夫用兵之道
自古所慎頃于戈未戢戰備宜脩而卒不素練兵非夙習且戎衛
之職多非其才或曰資厚素加或曰祿薄帶帖或寵由權門恩自
私假既無將領虛尸榮祿至於邊城舉燧羽驛交馳而望其擐甲
推鋒立功圖外譬緣木求魚不可得矣常謂臨難命師皆出倉卒
驅烏合之眾隸造次之主貌疏情乖有若胡越豈能使其同力拔

危濟難故奔北相望覆敗繼有今欲改選將校皆得其人分毫見
將各已配給領護二軍爲其總統令撫養士卒仗恩信先加農隙
校獵已習其事三令五申已齊其心使動止應規進退中律然後
畜銳觀變因時而動摧敵陷堅折衝於外孫子曰視卒如赤子故
可與之共死所已張募効爭先之心吮癰致必盡之命豈不由恩
著者士輕其生令明者卒畢其力攻心迹事如或有在妄陳膚知
追懼乖謬

宋書建平王宏傳

廟樂議

聖王之德雖同協制之禮或異樂不相沿禮無因襲自寶命開基
皇符在運業富前王風通振古朝儀國章並循先代自後晉東遷
日不暇給雖大典略備遺闕尚多至於樂號廟禮未該往正今帝
德再昌大孝御寓宜計定禮本已昭來葉享舜樂稱韶漢改文始
周樂大武秦革五行眷夫祖有功而宗有德故漢高祖廟樂稱武

德太宗廟樂曰昭德魏制武始舞武廟制威嚴舞文廟則祖宗之廟別有樂名晉氏之樂正德大豫及宋不更名直爲前後二舞依據昔代義外事乖今宜釐改權稱曰凱容爲韶舞宣烈爲武舞祖宗廟樂總曰德爲名若廟非不毀則樂無別稱猶漢高文武成有嘉號惠景二主樂無餘名章皇太后廟依諸儒議唯奏文樂何休杜預范甯注初獻六羽並不言佾者佾則干在其中明婦人無武事也郊祀之樂無復別名仍同宗廟而已尋諸漢志永至等樂各有義況宜仍舊不改宋及東晉太祝唯送神而不迎神近議者或云廟曰居神恆如在也不應有迎送之事意曰爲並乖其衷立廟居靈四時致享曰申孝思之情夫神升降無常何必恆安所處故祭義云樂曰迎來哀曰送往鄭注云迎來而樂樂親之來送往而哀哀親之返其享否不可知也尙書曰祖考來格詩云神保適歸注曰歸於天地也此並言神有去來則有送迎明矣卽周肆夏之

名備迎送之樂古曰尸象神故儀禮祫有迎尸送尸近代雖無尸豈可闕迎送之禮又傳立有迎神送神哥辭明江左不迎非舊典也

宋書樂志一孝建二年九月尚書左僕射建平王宏議

故據周禮孝經天與上帝連文重出故謂上帝非天則易之作樂非爲祭天也案易稱先王曰作樂崇德殷薦之上帝曰配祖考尚書云肆類於上帝春秋傳曰告昊天上帝凡上帝之言無非天也天尊不可曰一稱故或謂之昊天或謂之上帝或謂之昊天上帝不得曰天有數稱便謂上帝非天徐邈推周禮國有故則旅上帝曰知禮天旅上帝同是祭天言禮天者謂常祀也旅上帝者有故而祭也孝經稱嚴父莫大於配天故云郊祀后稷曰配天宗祀文王於明堂曰配上帝既已配天爲義則上帝猶天益明也不欲使二天文同故變言上帝爾周禮祀天之言再見故鄭注曰前天神爲五帝後冬至所祭爲昊天故又云二至之祀又非天地未知天

地竟應曰何時致享記云埽地而祭器用陶匏旨明所用質素無害呂樂降神苟萬秋謂郊宜有樂事有典據歟又云東平王蒼曰爲前漢諸祖別廟是呂宗祖之廟可得各有舞樂至於祫祭始祖之廟則專用始祖之舞故謂後漢諸祖共廟同庭雖有祖宗不宜人人別舞此誠一家之意而未統適時之變也後漢從儉故諸祖共廟猶呂異室存別廟之禮晉氏呂來登哥誦美諸室繼作至於祖宗樂舞何獨不可迭奏苟所詠者殊雖復共庭亦非嫌也魏三祖各有舞樂豈復是異廟邪

宋書樂志一左僕射建平王宏又議又見通典一百四十七

天子爲皇后父服議

謂至尊總制終止舉哀而已不須釋服

宋書禮志二孝建三年三月尚書令中軍將軍建平

王宏議

參議副車正數

屬車起秦八十一乘義兼九國三十六乘無所準竝不出經典自

蔡邕胡廣傳說耳。又是從官所乘。非帝者副車正數。江左五乘則儉不中禮。案周官云。上公九命。貳車九乘。侯伯七命。車七乘。子男五命。車五乘。然則帝王文物旗旒皆十二爲節。今宜依禮十二乘爲制。宋書禮志五。孝建三年五月有司奏。案漢蔡邕胡廣並云云。尚書令建平王宏參議詔可。又通典六十六。建安王休仁。

休仁文帝第十二子。元嘉二十九年封建安王。孝建末爲祕書監。領步兵校尉。出爲冠軍將軍。南兖州刺史。大明初進侍中。領右軍將軍。出爲湘州刺史。加散騎常侍。平南將軍。遷護軍將軍。永光初遷領軍將軍。景和初加特進。左光祿大夫。明帝定亂。召爲侍中。司徒。尚書令。揚州刺史。領太子太傅。進太尉。領司徒。泰始七年賜藥死。追降爲始安縣王。

禮敬太子生母議

禮云妾既不得體君班秩。視子爲庶。母曰子貴。經著明文。内外致

敬貴妃誠如慶緒議天子姬嬪不容通音介於外雖義可致虔不應有賤表宋書禮志二秦始皇二十二年九月有司奏皇太子所生陳貴妃禮秩既同諸君未詳宮臣及朝臣並有敬否妃主在內相見人應何儀博士王慶緒議云云尚書令建安王休仁議認可

參議皇太子車服

天子之子與士博讓逮於辟讎無生而貴者也既命而尊禮同上公周制五等車服相涉公降王者一等而已王曰金路賜同姓諸侯象及革木曰賜異姓侯伯在朝卿士亦準斯禮案如此制則東宮應乘金路自晉元過江禮儀疏舛王公曰下車服卑雜唯有東宮禮秩崇異上次辰極下絕侯王而皇太子乘石山安車蔡不見經事無所出禮所謂金玉路者正曰金玉飾路諸末耳左右前後同曰漆畫秦改周輅制爲金根通曰金薄周币四面漢魏二晉因循莫改逮於大明始備五輅金玉二制並類金根造次瞻觀殆無差別若錫之東儲於禮嫌重非所曰崇峻陛級表示等威且春秋之

義降下旨兩臣子之義宜從謙約謂東宮車服宜降天子二等駟
駕四馬乘象輅降龍碧旂九葉進不斥尊退不逼下沿古酌時於
禮爲衷宋書禮志五秦始皇四年五月尚書令建安王休仁參議謂
可又隋書禮儀志五引宋起居注文有刪簡且多異同故
別載
於後

天子之元子士也故齒胃於辟雍欲使知教而後尊不得生而貴
矣既命之後禮同上公故天子賜之金輅但減旂章爲等級象及
革木賜異姓諸侯在朝卿士亦準斯例此則皇太子及帝子王者
通得乘之自晉過江王公已下車服卑雜唯有太子禮秩崇異又
乘山石安車義不經見事無所出隋書禮儀志五引宋起居注泰
始四年尚書令建安王休仁議

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十四

烏程嚴可均校輯

晉平王休暉

休暉文帝第十三子孝建三年封山陽王大明中爲散騎常侍
領長水校尉遷征虜將軍湘州刺史入爲祕書監領右軍將軍
遷侍中又遷左中郎將都官尙書又爲祕書監領驍騎將軍出
爲右將軍豫州刺史景和初進號鎮西大將軍仍遷散騎常侍
鎮軍大將軍開府儀同三司明帝定亂呂爲驍騎大將軍荊州
刺史歷江州南豫州豫州刺史復徙荊州刺史泰始四年改封
晉平王尋徵爲南徐州刺史加侍中七年遣壽寂之等拉殺之
追贈司空諡曰刺王尋追免爲庶人

與殷琰書

君本文弱素無武幹是遠近所悉且名器清顯不應復有分外希

觀近者之事、當是劫於凶豎、不能守節、今大軍長驅、已造城下、勢孤援絕、禍敗交至、顧昔情款、猶有惻然、聖上垂天地之仁、開不世之澤、好生惡殺、遐邇所聞、顧琛王曇生等皆軍敗、進走、披草乞活、尚蒙恩恕、晏處私門、今神鋒所臨、前無橫陳、況窮城弱眾、殘傷之餘、而欲自固乎、若開門歸順、自可不失富貴、將佐小大、竝保榮爵、何故苟固士民、自求壘臙、身膏斧鑕、妻息并盡、老兄垂白、東市受刑、邪、幸自思之、信言不爽、有如皎日、

宋書殷琰傳

桂陽王休範

休範、文帝第十八子、孝建三年、封順陽王、大明元年、改封桂陽王、爲冠軍將軍、南彭城下邳太守、尋出爲江州刺史、加征虜將軍、入爲祕書監、領前軍將軍、遷左衛將軍、加給事中、永光初、轉中護軍、領崇憲衛尉、明帝定亂、召爲鎮北將軍、南徐州刺史、加南兖州刺史、進征北大將軍、加散騎常侍、徵爲祕書監、中軍將

軍揚州刺史出爲征南大將軍江州刺史加開府儀同三司未
拜改授驃騎大將軍南徐州刺史未拜還爲江州後廢帝卽位
進司空侍中元徽元年進太尉明年舉兵內逼爲黃回所斬
與袁粲褚淵劉秉書

夫治政任賢宜親疏相輔得其經緯則結繩可及失其規矩則危
亡可期漢承戰國之餘傷周室衰殄立磐石之宗而致七國之亂
魏革漢典創於前失遂使諸王絕朝聘之禮是曰根疏葉枯政移
異族今宗室衰微自昔未有泰寧之世足曰爲譬孤子忝枝皇族
預關興毀雖欲忘言其可得乎高祖武皇帝升敬三光滌紛四表
太祖文皇帝欽明冠古資乾承庥秉鉞西服鳴鑾東京搜賢選能
納奇賞異孝武皇帝岐嶷天縱先機雷發陵波靜亂宏業中興儲
嗣不腆遂貽禍難於時建安王曰家難頻遘宜立長主明皇帝恢
朗淵懿仁潤含遠奉藏南面允合天人而太尉曰年長居卑怨心

全宋文卷十四

卷十四

二

形色極欣慰等規行不軌事迹披猖驃騎自忤顏失旨應對不順
在蕃刻削忽結人鬼先帝明於號令豈枉法爲親二王之釁實自
由已但司徒巴陵王勞謙爲國中流事類有不世之勳奉時如天
事兄猶父非唯令友信爲國器唐叔之忠而受管蔡之罪親戚哀
憤行路嗟歎王地籍光潔德厭民望竝無寸罪受斃譏邪先帝穆
於友于畱心親戚去昔事平之後而受詔誨禮則君臣樂則兄弟
升級賜賞動不移年撫慰孜孜恆如不足豈容一旦鬪牘致此禍
害良有由也先帝寢疾彌年體疲膳少雖神照無虧而慮有失德
補闕拾遺責在左右於時出入臥內唯有逆長道隆羣細無狀因
疾造禍見上不和知無慘拯慮晏駕之日長王作輔奪其寵極不
得自專是呂內假帝旨外託朝議諛辭詭貌萬類千端升進姦回
屠斥賢哲外矯天則內誣人鬼是呂星紀違常義望失度昔魏顆
擇命春秋美之秦穆殉良詩有明刺臣子之節得失必書不及匡

諫猶曰爲罪交間蒼蠅驅扇禍戮。爵曰貨重才由貧輕。先帝舊人無罪黜落薦致鄉親徧布朝省。詔詎親狎者。飛榮玉除。靜立貞粹者。柴門生草。事先闕已。雖非必行。若不諮詢。雖是必抑。海內遠近。人誰不知。未解執事不加斧鉞。遂致先帝有殺弟之名。醜聲遺於君父。格曰古義。豈得爲忠。先帝崩殂。若無天地。理痛常情。便應赴泣。但兄弟枉酷已陷讒細。孤子已下。復觸茲機。是曰望陵墳而摧裂。想鑿旂而抽慟。雖復才違寄寵。而地屬負荷。顧命之辰。曾不見及。分崩之際。詔出兩登。天誘其衷。得居乎外。若受制羣邪。則玉石同碎矣。曰宇宙之基。一旦受制卑瑣。劉氏家國。使小人處分。終古曰來。未有斯酷。昔石顯曹節。方今爲優。而望之仲舉。由曰致獎。至於遭逢醜惡。豈有古今者乎。諸賢冒籍冠冕。世歷忠貞。位非恩樹。勳豈寵結。憂國勤王。社稷之鎮。豈可合縱讒囚。坐觀傾覆。自惟宋室未殞。得曰推移者。正內賴諸賢防勒。姦軌。外有孤子。跨據中流。

而人非金石、何能支久、使一虧落、則本根莫庇、當今主上冲幼、宜明典章、征虜之鎮、不見慰省、逆旅往來、尙有顧眄、骨肉何讎、逼使離隔、禽獸之心、橫生疑貳、經由此者、每加約截、同惡相求、有若市賈、曰孤子知其情狀、恆恐曰此乘之、鉗勒州郡、過見防禦、近遣西南二使、統內宣傳、不容恐懼、卽遣敗井、有別書、若曰孤子有過、便應鳴鼓見伐、如其不爾、宜令各有所歸、與殺不辜、憲有常辟、三公之使、無罪而斬、鄙雖不肖、天子之季父、卑小主者、敢不如是乎、孤子承奉今上、如事先朝、夙夜恭謹、散心雲日、晦望表驛、相從江衢、有何虧違、頓至於此、旣已甘心、其可再乎、如往來所說、曰孤子納士爲尤、此輩懼其身罪、豈爲國計、在昔四豪列國、公子猶博引廣納、門客三千、況孤子位居鼎司、捍衛畿甸、且今與昔異、咸所知也、狡虜陵掠、江淮侵逼、主上年穉、宗室衰微、邪僭用命、親賢結舌、疆場嬰塗炭之苦、征夫有勤役之勞、瓜時不代、齊有致禍、況長淮成

卒歷年思怨不務拓遠強邊而先事國君親賊已此求心何事非
亂又曰繕治盆壘復致器聲自晉宋之災積貯百萬孤子到鎮曾
不數千里且脩城池整郭邑爲治常理復何足致嫌邪若日中流
清蕩則任農夫不應實力強兵作鎮姑孰俱防寇害豈得獨嫌於
此昔成王之明而爲流言致惑若使金勝不開則周公無日自保
梁穀歸趙不忍謀燕況孤子禮則君臣恩猶父子者乎所曰枕戈
泣血祇曰兄弟之讎爾觀其不逞之意豈可限量設使遂其虐志
諸君欲安坐得乎唇亡齒寒理不難見桂蠹必除人邪必剪枉突
徙薪何勞多力望便執錄二豎曰謝冤魂則先帝不失順悌之名
宋世無枉筆之史此州地居形要路枕九江控茲跨馬越關而至
重氣輕死排蔽競出練甲照水總戈成林刺此纖執何患不克但
千鈞之弩不爲鼷鼠發機欲使薰蕕內辨晉陽外息爾功有所歸
不亦可乎便當投命有司謝罪天闕同奉溫清齊心庶事伊霍之

任非君而誰周召之職。頗自許。左提右挈。無愧故人。昔平勃剛斷。產祿蚤誅。張溫超起。文臺扼腕。事之樞機。得失俄頃。往車今轍。庶無惑焉。近持此意。申之沈攸。其情難不解。諸王致此。既知禍原。銳然奮發。諸兵厲卒。呂侯同舉。張興世發都日。受制凶黨。揚驅直逝。遂不見遇。孤子近遣信申述。茲禍方大。惆悵追恨。前迷比者。信使每申勤款。王負佐郢。兵權在握。厥督屠枉。朝野嗟痛。猶父之怨。豈可與之比肩。孤子此舉。增其忼慨。義之所勸。其應猶響。諸君或未得此意。故先告懷。徙倚一隅。遲及委問。孤子哀疾。挺毀窮盡。無日。庶規史。繼死不忘本。臨紙荒哽。言不詮第。宋書桂陽王休範傳

巴陵王休若

休若。文帝第十九子。孝建三年。封巴陵王。大明中。爲冠軍將軍。南琅邪臨淮二郡太守。徙南彭城。下邳二郡太守。進徐州刺史。徵爲散騎常侍。左右郎將。吳興太守。復徵爲散騎常侍。太常。未

拜永光初遷左衛將軍泰始初領安東將軍會稽太守進號衛將軍遷寧蠻校尉雍州刺史遷湘州刺史進號征南將軍又爲征西將軍荊州刺史又進號征西大將軍開府儀同三司七年徵爲征北大將軍南徐州刺史入朝遷車騎大將軍江州刺史召拜賜死贈侍中司空諡曰哀王

移傲東土討孔覲等

蓋聞毀集有兆禍至無門倚伏之來實惟人致故嘉述貪亂終殄宗祀曷憲構氛旋潤斧鉞斯則昭章記牒炯戒今古者也自國步時艱三綱道盡神歆靈繹璿業綴旒皇上仁雄集瑞英徵應麻鳳儀燁昇龍輝電舉盪穢紫樞不俟鳴條之誓凝政中寓不肆漂杵之威是已墜維再造虧天重構幽明哉紀標配斯光而羣凶忿虐協扇童孺菑爾東垂復淪醜迹邪回從慝蜂動蟻附聖圖寔發神威四臨羽驛所屆義旅雲屬櫓鉞所麾逆徒冰泮勝負之效皎然

已顯司徒建安王英猷冠世董率元戎騁騎山陽王風略夙昭撫
厲中陳或振霜江螽或騰森荆河金甲燭天庭器聲震海浦前將
軍吳興太守張永東南標秀協贊戎機建威將軍沈懷明鎮東中
兵參軍劉亮武衛將軍壽寂之霜銳五千熊騰虎步龍驤將軍王
粲之龍驤將軍頓生鐵騎連羣風驅電邁右軍將軍齊王射聲校
尉姚道和樓艦千艘覆川蓋池左軍坦恭祖步兵校尉杜幼文冗
從僕射全景文員外散騎侍郎孫超之疏率虎旅駉驛雲赴殿中
將軍杜敬真殿中將軍陸攸之建武將軍吳喜甲備一萬分趣義
興子猥承人乏總司戎統警劔東馳申慎海曲歎氣則白日盡歟
刷馬則清江倒流此伐叛何勅不勦此柔服何順不懷愍彼
羣迷弗辨堯桀螳螂微命擬雷霆之衝已枯之葉當霜飈之隊尺
豎所爲寒心匹婦所爲歎息夫因禍提慶資敗爲成前監不忘後
事明鑑若能相率歸順投兵効款則福鍾當年社稷來裔孰如身

懷宗厝鬼餒魂泣者哉。詳鏡安危。自來多福。宋書孔凱傳。泰始二年。孔凱據子房起兵。休若輩執東討諸軍事。移檄東土。

豫章王子尚

子尚字孝帥。孝武第二子。孝建三年。封西陽王。都督南徐兗二州諸軍事。北中郎將。南兗州刺史。遷揚州刺史。加撫軍將軍。尋進都督揚州江州之郡。陽晉安建安三郡諸軍事。大明五年。改封豫章王。領會稽太守。尋加使持節。進號車騎將軍。又加散騎常侍。開府儀同三司。前廢帝卽位。徵爲都督揚南徐二州諸軍事。領尚書令。解揚州。賜死。年十六。

上言山湖之禁

山湖之禁。雖有舊科。民俗相因。替而不奉。熾山封水。保爲家利。自頃呂來。積弛日甚。富強者兼嶺而占。貧弱者薪蘇無託。至漁采之地。亦又如茲。斯實害治之深。獎爲政所宜去。絕損益舊條。更申恆

制宋書羊玄保傳大明初揚州刺史西陽王子尚上言

晉安王子勛

子勛字孝德孝武第三子大明四年晉封安王爲征虜將軍南兖州刺史改前將軍江州刺史遷鎮軍將軍監蟹校尉雍州刺史前廢帝卽位復爲江州明帝定亂進車騎將軍開府儀同三司其長史鄧琬等不受命曰秦始二年正月擁立於尋陽改元義嘉在位八月爲沈攸之等所敗賜死年十一

傳檄京師

陽六數艱雲雷相襲高皇受麻時乘雲輿頓於促路文祖定祥係昭睿化翦於中年二凶縱禍三綱理滅宗王俛首姑息逆朝枕戈無聞偷榮有秩孝武皇帝釋位泣血糾義人討投袂戎首親戮鯨鯢九服還輝兩儀更造而窮曼不惠棄離萬國皇運重替嗣主荒淫孤臣不才任居藩長大懼宗稷殲覆待日故招徒楚鄧飛檄京

何志遼前典黜幽陟明庶七廟復安海昏有紹豈圖宋未悔禍哉
亂奄臻遂矯害明茂篡竊天寶反道劾尤蔑我皇德干我昭穆寡
我兄弟恣鴟鴞之心暗倫穎之志獲侈鼎祚誣罔天人貌孤同氣
猶有十三聖靈何辜而當之饗昔隆周弛御晉鄭是依盛漢中陵
居章抗節支苗輕嚴猶忘忘軀汎孤忝惟臣子情地兼切號感一
隅心與事痛是用飲血衽金誓復宗祀今遣輔國將軍諮議領中
直兵孫冲之龍驤將軍陳紹宗率螭虎之士組甲二萬沿流電發
逕取白下龍驤將軍領中直兵薛常寶建威將軍領中直兵沈懷
寶長戟萬刃羽騎千羣徑出南州直造朱雀靈朔將軍諮議領中
直兵陶亮龍驤將軍焦度總中黃之旅梟雄三萬風掩江介雲臨
石頭建威將軍張冽龍驤將軍何休明提育獲之徒勁捍之卒邪
趨金陵北指閭闔龍驤將軍張係伯龍驤將軍陳慶勣輕銳五千
驅弩一萬飛鋒班濟齊會西明冠軍將軍尋陽內史鄧琬振湘雍

之兵勇敢四萬授律總威。集京邑征虜將領府司馬張悅蒼兕
千艘水軍五萬大董羣校絡繹繼道冠軍將軍豫章內史劉衍監
朔將軍武昌太守劉弼監朔將軍西陽太守謝稚建威將軍領中
直兵晉熙太守閻湛之皆埽境勝兵薦誠請効後將軍郢州刺史
安陸王子綏懷恩纏慕鞠旅先晨冠軍將軍湘州刺史邵陵王子
元席颿陵波整眾遄至前將軍荊州刺史臨海王子頊練甲陝西
獻徒萬數輔國將軍冠軍長史長沙內史何惠文見拔先皇誠深
投袂冠軍將軍雍州刺史袁顥不謀同契雷發漢南建武將軍順
陽太守劉道憲懷忠抱慨不遠三千梁益青徐兗豫吳會皆密介
歸誠誓爲表裏孤親總烝徒十有餘萬白羽咽川霜鋒照野金聲
振谷鳴聲聒天凡諸將帥皆忠無匿情智無遺計果幹剛鷙謫略
多奇水陸長驅敗道竝進發舟踰險背水爭先以此眾戰孰能斯
禦推此義銳滄海可壟諸君或荷寵前朝感恩舊日或奕世貞淳

見危授命而逼迫寇手効節莫由今大軍密邇形援已接見幾而
作豈俟終日便宜轉禍趣福因變立功大且夷與三監並時金霍
與上官共主邪正糺雜何世無之但結亮則名播姦騁則道消耳
紀季人齊陳平歸漢身尊譽遠明哲是哀成範全規殷監匪遠若
玩咎惟休告舍罔悟則誅及五族有殄無遺軍科爵賞信如敝日
巫山旣燎芝艾共烟幸遵良塗無守毀轍檄到宣告咸使聞知宋書
鄧琬傳案荀道林爲子勛記
室參軍此檄當是道林所作
尋陽王子房

子房字孝良孝武第六子大明四年封尋陽王歷會稽太守貶
爲松滋侯

與吳喜書

知統戎旅已次近路卿所在著名今日何爲立忠於彼邪想便倒
戈共受河山之賞宋書吳喜傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十四終

全宋文卷十五

烏程嚴可均校輯

范泰

泰字伯倫南陽順陽人晉豫章太守甯子太元初爲太學博士歷衛將軍謝安驃騎將軍會稽王道子二府參軍出爲天門太守尋復爲驃騎諮議參軍遷中書侍郎隆安初己父憂去職襲爵陽遂鄉侯元興末爲國子博士義熙初荊州刺史司馬休之召爲長史南郡太守人爲黃門郎御史中丞出爲東陽太守加振武將軍遷侍中轉度支尚書徙太常轉大司馬左長史右衛將軍加散騎常侍復爲尚書兼司空遷護軍將軍召公事免宋受禪拜金紫光祿大夫尋領國子祭酒景平初加位特進明年致仕元嘉三年進侍中左光祿大夫國子祭酒領江夏王師五年卒年七十四追贈車騎將軍有集二十卷

請建國學表

臣聞風化興於哲王，敎訓表於至世。至說莫先講習，甚樂必寄朋來。古人成童入學，易子而敎，尋師無遠，負糧忘艱。安親光國，莫不由此。若能出不由戶，則斯道莫從。是日明詔爰發，已成渙汗。學制旣下，遠近遵承。臣之愚懷，少有未達。今惟新告始，盛業初基。天下改觀，有志景慕，而置生之制，取少停多，開不來之端，非一塗而已。臣曰：家推國，則知所取不多。恐不足，曰：宣大宋之風，弘濟濟之美。臣謂合選之家，雖制所未達，父兄欲其入學，理合開通。雖小遠晨昏，所曰大弘孝道。不知春秋，則所陷或大。故趙盾忠而書弑，許子孝而得皇，曰：斯爲戒。可不懼哉！十五志學，誠有其文。若年降無幾，而深有志尙者，何必限日一格，而不許其進耶？揚烏豫玄，實在弱齒。五十學易，乃無大過。昔中朝助敎，亦用二品。潁川陳載已辟太保掾，而國子取爲助敎，卽太尉準之弟。所貴在於得才，無繫於定。

品教學不明獎厲不著今有職閑而學優者可曰本官領之門地
二品宜曰朝請領助教既可曰甄其名品斯亦敦學之一隅其二
品才堪自依舊從事會今生到有期而學校未立覆簣實望其速
回轍已淹其遲事有似賒而宜急者殆此之謂古人重寸陰而賤
尺璧其道然也

宋書范
泰傳

諫改錢法

流聞將禁私銅曰充官銅民雖失器終於獲直國用不足其利實
多臣愚意是不寔寢默臣聞治國若烹小鮮極微莫若務本百姓
不足君孰與足未有民貧而國富本不足而未有餘者也故囊漏
貯中識者不吝反裘負薪存毛實難王者不言有無諸侯不言多
少食祿之家不與百姓爭利故拔葵所曰明治織蒲謂之不仁是
曰貴賤有章職分無爽今之所憂在農民尙寡倉廩未充轉運無
已資食者眾家無私積難曰禦荒耳大貨存貿易不在少多昔日

之貴。今者之賤。彼此共之。其揆一也。但令官民均通。則無患不足。若使必資貨廣。日收國用者。則龜貝之屬。自古所行。尋銅之爲器。在用也博矣。鍾律所通者遠。機衡所揆者大。夏鼎負圖。寶冠翟瑞。晉鐸呈象。亦敝休徵。器有要用。則貴賤同資。物有適宜。則家國共急。今毀必資之器。而爲無施之錢。於貨則功不補勞。在用則君民俱困。校之目實。損多益少。陛下勞謙終日。無倦庶務。日身率物。勤素成風。而頌聲不作。板漕不至者。良由基根未固。意在遠略。伏願思可久之道。除欲速之情。弘山海之納。擇芻牧之說。則嘉謀日陳。聖慮可廣。其亡存心。然後苞桑可繫。思誠一至。用忘寢食。宋書范泰傳南

史三十三

表賀元正并陳旱災

元嘉二年

元正改律。品物惟新。陛下藉日新。日蓄德。仰乾元。日履祚。吉祥集。室百福。來庭。頃旱魃爲虐。亢陽愆度。通川燥流。異井同竭。老弱不

堪遠汲貧寡單於負水租輸既重賦稅無降百姓怨咨臣年過七十未見此旱陰陽并隔則和氣不交豈惟凶荒必生疾疫其爲憂虞不可備序雩禱之典曰誠會事巫祝常祈罕能有感上天之譴不可不察漢東海枉殺孝婦亢旱三年及祭其墓澍雨立降歲已
有年是日衛人伐邢師興而雨伏願陛下式遵遠猷思隆高構推忠恕之愛矜冤枉之獄遊心下民之瘼厝思幽冥之紀令謗木豎闕諫鼓鳴朝察芻牧之言總統御之要如此則苞桑可繫危幾無兆斯而災害不消未之有也故夏禹引百姓之罪殷湯甘萬方之過太戊咨桑穀曰進德宋景藉熒惑曰脩善斯皆因敗曰轉成往事之昭晰也循宋俗者雖爲風就正路者易爲雅臣疾患日篤夕不謀朝會及歲慶得一聞達微誠少亮無恨泉壤永違聖顏拜表悲咽

宋書范泰傳

乞加贈廬陵王義真表

伏承廬陵王已復封爵猶未加贈陛下孝慈天至友于過隆伏揆
聖心已自有在但司契已不唱爲高冕旒目因寄成用臣雖言不
足採誠不亮時但猥蒙先朝忘醜之眷復沾廬陵矜顧之末息晏
委質有兼常款契開戎陣顛狼艱危厚德無報授令路絕此老臣
兼不能自己者也朽謝越局無所逃刑

宋書范泰傳元嘉二年徐
羨之等猶乘重權復上表

云云泰請子禁之表竟
不奏三年羨之等伏誅

因旱蝗上表

陛下昧旦丕顯求民之瘼明斷庶獄無倦政事理出羣心澤謠民
口百姓翕然皆自己爲遇其時也災變雖小要有目致之守宰之
失臣所不能究上天之譴臣所不敢誣有蝗之處縣官多課民捕
之無益於枯苗有傷於殺害臣聞桑穀時亡無假斤斧楚昭仁愛
不崇自瘳卓茂去無知之蟲宗均因有異之虎蝗生有由非所宜
殺后不能言星不自隕春秋之旨所宜詳察禮婦人有三從之義

而無自專之道。周書父子兄弟罪不相及。女人被笄。由來上矣。謝
晦婦女猶在尙方。始貴後賤。物情之所甚苦。匹婦一室亦能有所
感激。臣於謝氏不容有情。蒙國重恩。寢處思報。伏度聖心已當有
在。禮春夏敬詩無一而闕也。臣近侍坐間立學。當在入年。陛下經
略粗建。意存民食。入年則農功興。農功興則田里闢。入秋治庠序。
入冬集遠生。二塗並行。事不相害。夫事多。日淹稽爲戒。不遠爲患。
任臣學官。竟無微績。徒墜天施。無情自處。臣之區區。不望目覩盛
化。竊慕子囊城郢之心。庶免苟偃不瞑之恨。臣比陳愚見。便是都
無可採。徒煩天聽。愧怍反側。宋書范泰傳元嘉三年秋旱蝗入上表

旱災未已。加召疾疫。又上表
頃亢旱歷時。疾疫未已。方之常災。實爲過差。古曰爲王澤不流之
徵。陛下昧旦臨朝。無懈治道。躬自菲薄。勞心民庶。日理而言。不應
致此意。曰爲上天之於賢君。正自殷勤無已。陛下同規禹湯。引百

姓之過言動於心道敎自遠桑穀生朝而殞嬰惑犯心而退非唯
消災弭患乃所召大啟聖明靈雨立降百姓改瞻應感之來有同
影響陛下近當仰推天意俯察人謀升平之化尙存舊典顧思與
不思行與不行耳大宋雖揖讓受終未積有虞之道先帝登遐之
日便是道消之初至乃嗣主被殺哲藩嬰禍九服徘徊有心喪氣
佐命託孤之臣俄爲戎首天下蕩蕩王道已淪自非神英撥亂反
正則宗社非復宋有革命之與隨時其義尤大是自古今異用循
方必塞大道隱於小成欲速或未必達深根固蒂之術未洽於思
心是用猖狂妄作而不能緘默者也臣既頑且鄙不達治宜加之
呂篤疾重之呂惜老言或非言而復不能無言陛下錄其一毫之
誠則臣不知厝身之所

宋書范
泰傳

論沙門踞食表

三首

臣言陛下體達佛理將究其致遠心遐期研精入微但恨起予非

原弘明集
言以宣
忌

昔對揚末易臣少信大法積習善性頗聞餘論髣髴玄宗往者侍
坐過蒙眷誘意猥詞訥不能有所運通此之爲恨畢世無已臣近
難慧義踞食蓋區區樂同之意不敢求長於人側餐下風已達天
聽臣請此事自一國偏法非經通永制外國風俗不同言論亦異
聖人不變其言何獨苦改其用言宣意意達言忘儀已存敬敬立
形廢是已聖人因事制誠隨俗變法達道乃可無律思夫其防彌
繁用捨有時通塞惟理膠柱守株不已疏乎今之沙門匠乏善誘
道無長壺各信所見豈能虛受乃至競異於一堂之間不和於時
雍之世臣竊恥之況於異臣者乎司徒弘達悟有理由中不曰臣言
爲非今之令望信道未篤意無前定已兩順爲美不斷爲大俟此
而制河可濟矣慧嚴道生本自不企慧觀似悔始位伏度聖心已
當有在今不望明詔孤發但令聖旨粗達宰相則下觀而化孰曰
不允皇風方當遠暘文軌將就大同小異雖微漸不可長青青不

伐將尋斧柯故宜自邇及遠令無思不服江左中興高座來遊愛
樂華夏不言此制釋公信道最篤不苦其節思而不改容有其旨
羅什卓犖不羈不可測落髮而不偏踞如復可尋禪師初至詣闕
求通欲已故牀入踞理不可開故不許其進後東安眾集果不偏
食此卽先朝舊事臣所親見者也謹啟

弘明集
十二

臣言陛下近遊祇洹臣固請碑讚如憶髣髴有許法駕既遊臣輒
仰刊碑上曰皇帝讚止此三字而已專輒之罪思臣所甘至於記
福冥中未知攸濟若賜臣筆數字臣死且不板已之弘獎風尙有
益而無損萬機脫有未暇聖旨自可笑授之左史侍衛之臣盛無
自效之心碑誥世叔何遠之有可不勞聖慮亦冕旒之意也臣事
久謝生塗已盡區區在心唯來世而已臣受恩深重祿賜有餘自
度終無報於聖世已矣蓋首竝結草之誠願陛下哀而弗責臣言

同上

臣言奉敕明詔、悚懼屏營、管穴偏見、不足陳聞、直呂事已上達、不
當寢默、今敕又令更求其中、是用猖狂復申、本懷臣謂理之所在、
幸可不呂、文害意、五帝不相襲禮、三王不沿其樂、革命隨時、其義
並大、莊周曰、古今譬舟車、孟軻曰、專信書不如無書、是故證羊非
直、間斯兩用、大道之行、天下爲家、臣之區區、一堂之同、而況異俗、
偏制、本非中庸之敎、生義觀得、蒙弘拔、聖旨脫有下問、望其依理
上酬、不敢呂多自助、取長於人、慧觀答臣、都無理據、唯寢臣呂過
言、貶臣呂干非、推此疑其必悔、未便有反善情辭、臣弘亦謂爲然、
慧義弘陣已崩、走伏路絕、恃此爲救、雖乎自免、況復司契在上、遁
辭知窮、臣近難慧觀、輒復上呈如左、臣呂恩識、將智而毫、豈惟言
之不中、深懼不覺其悞、侍衛之臣、實時之望、旣不能矜臣此意、又
不能誨臣不逮、此皆臣自招之自咎而已、伏願陛下錄其一往之
至、不呂知拙爲罪、復敦冒昧干穢、竊恃古典、不加刑之耳、同上

上封事極諫少帝

伏聞陛下時在後園、頗習武備、鼓鞀在宮、聲聞於外、黠武掖庭之內、誼譁省闈之間、不聞將帥之臣、統御之主、非徒不足目威四夷、祇生遠近之怪、近者東寇紛擾、皆欲伺國瑕隙、今之吳會、寧過二漢、關河根本、旣搖、於何不有、如水旱成災、役夫不息、無寇而戒、爲費漸多、河南非復國有、羯虜難呂理期、此臣所已用忘寢食、而干非其位者也、陛下踐祚、委政宰臣、實同高宗諒闇之美、而更親狎小人、不免近習、懼非社稷至計、經世之道、王言如絲、其出如綸、下觀而化、疾於影響、伏願陛下思弘古道、式遵遺訓、從理無滯、任賢勿疑、如此、則天下歸德、宗社惟永、詩云、一人有慶、兆民賴之、天高聽卑、無幽不察、興衰在人、成敗易曉、未有政治在於上、而人亂於下者也、臣蒙先朝過遇、陛下殊私、竄欲盡心竭誠、少報萬分、而惜毫已及、百疾互生、便爲永違聖顏、無復自盡之路、貪及視息、陳其

狂瞽陛下若能哀其所請，留心覽察，則臣夕殞於地，無恨九泉。宋書

范泰

傳

殷祭議

今雖既祔之後，得已烝嘗，而無殷祭之禮，有喪薦廢，吉祭祭新，主於寢。今不設別寢，既祔遂祭於廟，故四時烝嘗，已寄追遠之思。三年一祫，已習昭穆之序。義本各異，三年喪畢，則合食太祖，過時而殷，無取於限三十月也。降安之祔，已喪而廢矣。通典四十九義熙三年

臨川王道規嗣議

公之友愛，卽心過厚，禮無二嗣，宜還本屬。

宋書范泰傳，司徒道規無子，養太祖及范昌

兄道博次子義慶爲嗣。高祖曰：道規素愛太祖，又令居重道規，追封南郡公。應曰：先華容縣公。賜太祖泰議從之。

與謝侍中書

卿常言如何，歷觀高士，類多有情。吾亦許卿，已同何遜，邈之過便是未孤了幽關也。吾猶存舊情，東望慨然，便是有不馳處也。見熾

案廣弘明集作卿常何如

案弘明集
作踏食之
美

公阡陌如卿問栖僧於山誠是美事屢改驟遷未爲快也杖策之
郡斯則善也祇洹中轉有奇趣福業深緣森今滿目見形者所不
能傳聞言而悟亦難其人辭煩而已於此絕筆范泰敬謂祇洹塔
內讚因熾公相示可少留意省之并同子與人歌而善廣弘明
集十六
與司徒王弘諸公書論道人踞食

范泰敬白公卿諸賢今之沙門坐有二法昔之祇洹似當不然據
今外國言語不同用舍亦異聖人隨俗制法因方弘教尙不變其
言何必苦同其制但一國不宜有二一堂寧可不同而今各信偏
見自是非彼不尋制作之意惟此雷同爲美鎮之無主遂至於此
無虛於受人有同於必執不求魚兔之實競攻塋蹠之末此風不
革難乎取道樹王六年呂致正覺始明玄宗自敷高座皆結跏趺
坐不偏踞也坐禪取定義不夷俟據之食美在乎食不求飽此皆
一國偏法非天下通制亦由寒鄉無絺綌之禮日南絕檀裘之律

不可見大禹解裳之初，便謂無復章甫，請各兩捨。呂付折衷君子，范泰區區正望。今集一食之同，過此已往，未之或知。禮曰和貴，僧法尚同。今升齋堂，對聖像，堂如神在像中，四雙八輩，義無云異。自矜之情，寧可試暫不我釋。公往往在襄陽，偏法已來，思而不變。當有其旨，是日投錫乘車，義存同眾，近禪師道場大會，亦方其坐，豈非存大略小，禮不兼舉，故邪。方坐無時，而偏踞有時，自方呂恆適異，爲難，嘗變取同爲異，且主人降已敬賓，有自來矣。更諮義公，了不見酬，是日敬白同異。呂求厥中，願惠咳唾之餘，呂被怯弱之情。引集

荅釋慧義書

前論已包此通，上人意強氣猛，弗之尋耳。戒呂防非，無非何戒，故愚惑之夫，其戒隨俗變律，華夏本不偏企，則聚骨交脛之律，故可得而略，手食之戒，無用匙筯之文，何重偏坐而輕手食，律不得手

近女人尋復許親溺可援是爲凡夫之疑果足已改聖人之律益知二百五十非自然定法如此則固守不爲全得師心未足多怪夏五闕文固守不爲疑明慎所見苟子何得顧眾而動企之爲義意在宜進欲速則事不得行端坐則不安其居時有踞傲之夫故非禮法所許一堂兩志上人之同泯焉莫逆弟子之和子然單獨何敢當五十大陣是用畏敵而默庶乎上善之救

弘明集

與竺道生釋慧觀書論踞坐

外國風俗還自不同提婆始來義觀之徒莫不沐浴齋仰此蓋小乘法耳便謂理之所極謂無生方等之經皆是魔書提婆末後說經乃不登高座法顯後至泥洹始唱便謂常住之言眾理之最般若宗極皆出其下已此推之便是無主於內有聞輒變譬之於鼎後破奪先則知外國之律非定法也偏坐之家無時而正高座說法亦復企踞外國食多用手戒無是筋慧義之徒知而不改至於

偏坐永爲不慙固自爲矛盾其誰能解弟子意常謂與人同失賢於自代其是推心樂同非敢許以求直今之奉法白衣決不可作外國被服沙門何必苦守偏俗

弘明集

鷺鳥詩序

昔扁賓王結置岐祁之山獲一鷺鳥王甚愛之欲其鳴而不能致也乃飾以金樊饗以珍羞對之愈戚三年不鳴其夫人曰嘗聞鳥見其類而後鳴何不懸鏡以映之王從其言鷺覩形感契慨然悲鳴哀響中霄一奮而絕嗟乎茲禽何情之深昔鍾子破琴於伯牙匠石韜斤於郢人蓋悲妙賞之不存慨神質於當年耳矧乃一舉而殞其身者哉悲夫

北堂書鈔一百三十六載文類聚九十御覽九百十六

張長公贊

長公秉心獨逸世表量物難同審已彌了情雖高邃迹無抗矯靡當夷惠孰識多少

藝文類聚三十六

高鳳贊

遐哉玄古邈矣皇羲自茲已降顯默參差智爲世駭才爲物奇迹
出無泯潛躍俱馳曖曖若人孰測其爲哉曜幽壑採真重崖冲情
莫亮汗迹示疵輕俗無際肆志莫羈藝文類聚三十六

吳季子札贊

延州高遠棄國師誠優遊大邑觀風上京仁懷邦壤道暢聖明密
徹昔代樂察未形臨博遠死解劍在生夫子戾止爰詔作名藝文類聚三十六

佛贊

精粗事阻始末理通捨事就理卽朗祛蒙惟此靈覺因心則崇門
等極物六度在躬明發儲寢孰是化初夕滅雙樹豈還本無渺渺
遠神遙遙安和願言來期免茲淪溺宏明集十六

爲宋公祭嵩山文

劉裕敬薦中獄之衆，惟獄作鎮中畿，擬天比峻，降配發輝，宣和陰陽，道達幽微。既曰輔順，亦代厥違。霜露所均，萬人是依。不日虛薄，志歸不庭。仰紆國恥，俯拯黎甿。望嶺懷仁，踐境延情。金壁之贈，愧懼交盈。思樂時雍，終憑威靈。舊都既清，三秦期廓。豈惟人謀，抑亦冥略。逝將言旋，自雍徂洛。何日寄懷，一卮清酌。珪璧云平，深誠攸託。

初學記五

范曄

曄字蔚宗，泰少子，小字搏。出繼從伯弘之，襲封武興縣侯。義熙末，爲武帝相國掾、彭城王義康冠軍參軍。宋受禪，隨府轉右軍參軍，入補尚書外兵郎，出爲荊州別駕從事史。尋召爲祕書丞。父憂服闋，爲檀道濟征南司馬，領新蔡太守。尋爲司徒從事中郎，遷尚書吏部郎。文帝卽位，左遷宜城太守。尋爲長沙王義欣鎮軍長史，加監朔將軍。母憂服闋，爲始興王濬後軍長史，領南

下邳太守遷左衛將軍太子詹事元嘉二十二年與孔熙先等謀立彭城王義康事泄棄市有後漢書九十七卷集十五卷

探時旨上言

臣歷觀前史二漢故事諸蕃王政日詆詛幸災便正大逆之罰況義康奸心疊迹彰著遐邇而至今無恙臣竊惑焉且大梗常存將重階亂骨肉之際人所難言臣受恩深重故冒犯披露

宋書范世傳

作彭城王義康與徐湛之書宣示同黨

吾凡人短才生長富貴任情用已有過不聞與物無恆喜怒違實致使小人多怨士類不歸禍敗已成猶不覺悟退加尋省方知自招刻肌刻骨何所復補然至於盡心奉上誠貫幽顯拳拳謹慎惟恐不及乃可恃寵驕盈實不敢故爲欺罔也豈苞藏逆心目招灰滅所已推誠自信不復防護異同率意信心不顧萬物議論遂致讒巧潛構眾惡歸集甲奸險好利負吾事深乙因恩不齒扇長無

賴丙丁趨走小子、唯知諂進、何求長短、共造虛說、致令禍陷骨肉、誅戮無辜、凡在過數、竟有何徵、而刑罰所加、同之元惡、傷和枉理、感徹天地、吾雖幽逼、日苦命在漏刻、義慨之士、時有音信、每知天文、人事及外間物情、土崩瓦解、必在朝夕、是爲歟、起筆賢、濫延國家夙夜憤踊、心腹交戰、朝之君子及士庶白黑懷義秉理者、寧可不識時運之會、而坐待橫流邪、除君側之惡、非唯一代、況此等狂亂、梟觜終古所無、加之翦戮、易於摧朽邪、可曰吾意宣示眾賢、若能同心奮發、族裂逆黨、豈非功均勛業、重造宋室乎、但兵凶戰危、或致侵濫、若有一豪犯順、誅及九族、處分之要、委之羣賢、皆當謹奉朝廷、動止聞啟、往日嫌怨、一時豁然、然後吾當謝舉北闕、就戮有司、苟安社稷、瞑目無恨、勉之勉之、宋書范曄傳

獄中與諸甥姪書曰自序

吾狂黷覆滅、豈復可言、汝等皆當曰、舉人棄之、然平生行己在懷、

猶應可尋。至於能不意中所解。汝等或不悉知。吾少懶學問。晚成人年三十許。政始有向耳。自爾目來。轉爲心化。雖老將至者。亦當未已也。往往有微解言。乃不能自盡爲性。不尋性書。心氣惡小。苦思便憤悶。口機又不調利。已此無談功。至於所通解處。皆自得之於胸懷耳。文章轉進。但才少思難。所已每於操筆其所成篇。殆無全稱者。常恥作文士。文患其事盡於形。情急於藻。義牽其旨。韻移其意。雖時有能者。大較多不免此累。政可類工巧圖繢。竟無得也。常謂情志所託。故當已意爲主。已文傳意。已意爲主。則其旨必見。已文傳意。則其詞不流。然後抽其芬芳。振其金石耳。此中情性旨趣。千條百品。屈曲有成理。自謂頗識其數。嘗爲人言。多不能贊。意或異故也。性別宮商。識清濁。斯自然也。觀古今文人。多不全了此處。縱有會此者。不必從根本中來。言之皆有實證。非爲空談。年少中謝莊最有其分。手筆差易。文不拘韻故也。吾思乃無定方。特能濟

難適輕重所稟之分。猶當本盡。但多公家之言。少於事外遠致。且此爲恨。亦由無意於文名故也。本末關史書政。恆覺其不可解耳。既造後漢。轉得統緒。詳觀古今著述。及評論。殆少可意者。班氏最有高名。既任情無例。不可甲乙。辨後贊於理。近無所得。唯志可推耳。博瞻可不及之。整理未必愧也。吾雜傳論。皆有精意深旨。既有裁味。故約其詞句。至於循吏。已下。及六夷諸序論。筆勢縱放。實天下之奇作。其中合者。往往不減過秦篇。嘗共比方。班氏所作。非但不愧之而已。欲徧作諸志。前漢所有者。悉令備。雖事不必多。且使見文得盡。又欲因事就卷內發論。已正一代得失。意復未果。贊自是吾文之傑思。殆無一字空設。奇變不窮。同含異體。乃自不知所已稱之。此書行。故應有賞音者。紀傳例爲舉其大略耳。諸細意甚多。自古體大而思精。未有此也。恐世人不能盡之。多貴古賤今。所已稱情狂言耳。吾於音樂。聽功不及自憚。但所精非雅聲爲可恨。

然至於一絕處亦復何異耶其中體趣言之不盡弦外之意虛響之音不知所從而來雖少許處而旨態無極亦嘗曰授人士庶中未有一豪似者此永不傳矣吾書雖小有意筆勢不快餘竟不成就每愧此名

宋書范曄傳又略見御覽五百八十五

雙鶴詩序

客有寄余雙鶴者其一揚翰皎潔響逸九皋其一翅折志衰自視缺然余因歎玩之遂爲之詩

魏文類聚九十

和香方序

麝本多忌過分必害沈實易和盈斤無傷香藿虛燥詹唐黏溼甘松蘇合安息鬱金棕多和羅之屬竝被珍於外國無取於中土又東膏昏鈍甲煎淺俗非惟無助於馨烈乃當彌增於尤疾也

宋書范曄

傳此序所言悉曰比類朝土麝本多忌比成炳之香藿虛燥比何尚之詹唐黏溼比沈濱之藿膏昏鈍比羊左保甲煎淺俗比徐湛之甘松蘇合比慧林道人沈實易和曰白比也

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十五終

全宋文卷十五

三

全宋文卷十六

烏程嚴可均校輯

臧肅

肅字德仁，東莞昌人。武敬皇后兄。晉太元中，爲助教，尋去官。元興中，除臨沂令，入爲太學博士。參石將軍何無忌軍事。義熙初，隨府轉鎮南參軍，尋參武帝中軍軍事，入補尚書度支郎，改掌祠部，封高陵侯。遷通直郎，復爲武帝鎮軍車騎中軍太尉諮議參軍，除大司馬從事中郎，進侍中。元熙元年，召疾去職。宋受禪，徵拜太常。永初三年致仕，卒年七十。少帝追贈左光祿大夫，加散騎常侍。

宣太后不配食中宗廟議

陽秋之義，母曰子貴，故仲子成風，咸稱夫人。經云：考仲子之宮，若配食惠廟，則宮無緣別築。前漢孝文孝昭太后並繫子爲號，祭於

寢園不配於高祖孝武之廟。後漢和帝之母曰恭懷皇后。安帝祖母曰恭愍皇后。雖不繫子爲號。亦祭於陵寢。不配章安二帝。此則二漢雖有太后皇后之異。至於並不配食。義同陽秋。唯光武追廢呂后。故曰薄后配高祖廟。又衛后既廢。霍光追尊李夫人爲皇后。配孝武廟。此非母曰子貴之例。直曰高武二廟無配故耳。夫漢立寢於陵。自是晉制所異。謂宜遠準陽秋考宮之義。近慕二漢不配之典。尊號既正。則罔極之情申。別建寢廟。則嚴禰之義顯。繫子爲稱。兼明母貴之所由。一舉而允三義。固哲王之高致也。宋書臧熹傳晉孝武太元中追崇庶祖母宣太后議者或謂宜配食中宗盡議又見南史十八褚爽上表稱太子名議

案禮記云。父前子名。君前臣名。又云。君之於嗣子。親則父也。尊則君也。如此。則太子雖國之儲貳。猶同於臣列。曰君前臣名之義。言則爽表未爲失禮。然史籍所載。人臣與人主言及上表。未有稱太

子名者今省無先比卽其驗也昔武皇帝代尙書僕射山濤啟事稱皇太子而不言名濤中朝名士必詳典式其不稱名當有理趣特旨皇太子儲君名諱尊重不敢指斥故耳古今異儀禮有損益今依仗前賢因循先比則爽表所稱爲違舊準通典一百四秦元太守昭奏上表稱太子名下太學議助教臧黠議云云

四府君遷主議

臣聞國之大事在祀與戎將營宮室宗廟爲首古先哲王莫不致肅恭之誠心盡崇嚴乎祖考然後能流清化於四海通幽感於神明固宜詳廢興於古典循情禮以求中者也禮天子七廟三昭三穆與太祖而七自考廟曰至祖考五廟皆月祭之遠廟爲祧有二祧享嘗乃止去祧爲壇去壇爲墀有禘然後祭之此宗廟之次親疏之序也鄭玄曰爲祧者文王武王之廟王肅曰爲五世六世之祖尋去祧之言則祧非文武之廟矣周之祖宗何云去祧爲壇乎

明遠廟爲祧者無服之祖也。又遠廟則有享嘗之降去祧則有壇
墀之殊。明世遠者其義彌疏也。若祧是文武之廟宜同月祭於太
祖。雖推后稷曰配天由功德之所始非尊崇之義。每有差降也。又
禮有曰多貴者故傳稱德厚者流光德薄者流卑。又云自上曰下
降殺曰兩禮也。此則尊卑等級之典。上下殊異之文。而云天子諸
侯俱祭五廟何哉。又王祭嫡殤下及來孫而上祀之禮。不過高祖
祧隆恩於下流。替誠敬於尊屬。亦非聖人制禮之意也。是曰泰始
建廟從王氏議曰禮父爲士子爲天子諸侯祭曰天子諸侯其尸
服曰士服。故上及征西曰備六世之數。宣皇雖爲太祖尙在子孫
之位。至於殷祭之日未申東向之禮。所謂子雖齊聖不先父食者
矣。今京兆曰上旣遷太祖始得居正議者曰昭穆未足欲屈太祖
於卑坐。臣曰爲非禮典之旨也。所謂與太祖而七自是昭穆旣足
太祖在六世之外非爲須滿七廟乃得居太祖也。議者又曰四府

君神主宜永同於殷祫臣又曰爲不然傳所謂毀廟之主陳乎太祖謂太祖曰下先君之主也故白虎通云祫祭遷廟者曰其繼君之體持其統而不絕也豈如四府君在太祖之前非繼統之主無靈命之瑞非王業之基昔曰世近而及今則情禮已遠而當長饗殷祫永虛太祖之位求之禮籍未見其可昔永和之初大議斯禮於時虞喜范宣並曰淵儒碩學咸謂四府君神主無緣永存於百世或欲瘞之兩階或欲藏之石室或欲爲之改築雖所秉小異而大歸是同若宣皇旣居羣廟之上而四主祫祫不已則大晉殷祭長無太祖之位矣夫理貴有中不必過厚禮與世遷豈可順而不斷故臣子之情雖篤而靈厲之謚彌彰追遠之懷雖切而遷毀之禮爲用豈不有心於加厚顧禮制不可踰爾石室則藏於廟北改築則未知所處虞主所曰依神神移則有瘞埋之禮四主若饗祀宜廢亦神之所不依也準傍事例宜同虞主之瘞埋然經典難

詳羣言紛錯非臣卑淺所能折中、宋書臧熹傳義熙初太廟鳴尾災熹謂著作郗徐廣曰征西京兆四府君宜在毀落而猶列廟饗此其後

乎乃上議又見宋書禮志三南史十八

臧質質字含文、熹弟子、晉末爲宋世子中軍參軍、武帝受禪、遷員外散騎侍郎、元嘉初爲江夏王義恭撫軍、徙給事中、出爲建平太守、遷寧遠將軍、歷陽太守、又遷竟陵江夏內史、復爲建武將軍、巴東建平二郡太守、徵爲使持節都督徐兗二州諸軍事、寧遠將軍、徐兗二州刺史、復爲建威將軍、義興太守、遷太子左衛率、尋爲輔國將軍、假節、進使持節監雍涼南北秦四州諸軍事、寧蠻校尉、雍州刺史、封開國子、元凶弒立、已爲丹陽尹、征虜將軍、不受、孝武舉兵、版進征北將軍、及卽位、已爲都督江州諸軍事、車騎將軍、開府、儀同三司、江州刺史、加散騎常侍、持節、封始興郡公、尋奉南郡王義宣舉兵反、伏誅

舉兵上表

臣聞執藥隨親、非情謬於甘苦、揮斤斬毒、豈忘痛於肌膚、蓋已先疑後順、忠焉必往、忍小存大、雖愛必從、丞相臣義、宣育愆台鉉、捐聲聯服、定主勤王之業、勳越乎齊晉、宗戚懿親之寄、望崇於魯衛、而惡直醜正、實繁有黨、或染凶作偽、疾害元功、或藉勞挾寵、乘威縱戾、自知愆深、聚重必貽剿戮、乃成紫綬、朱交間忠輔、崇樹私徒、招聚羣惡、念舊愛老、無一而存、豈不由凶醜相扇、志肆讒惑、陛下垂慈狎達、不稍惟疑、遂令負展席圖、蔽於流議、投杼市虎、成於十夫、鑒古換今、實懷危逼、故投袂樊葉、立節於本朝、揮戈晉陽、務清於君側、臣誠庸懦、奉敎前朝、雖惡緇衣、好賢之美、敢希巷伯、惡惡之情、固已藉風聽而宵憤、撫短策而馳念、況乃宏命爰格、誠係宗社、今奉旨前邁、星言啟行、臣本凡瑣、少無遠概、因緣際會、遂班槐鼎、素望旣盈、愜心實足、豈應徼功非冀、更希異寵、直已蔓草難除、

去惡宜速是日無顧夷險慮不及身仰恃天眷察亮丹款苟血誠
不照甘心罪戮伏願陛下先鑒元輔匪躬茂節末錄庸瑣奉國微
誠不遂渙泥之情日失四海之望昭戮馬劍顯肆市朝則結旌向
國全鋒凱歸九流凝序三光平耀斯則仰說宗廟俯愜兆民表
感慨涕言無已

宋書載
質傳

荅魏王拓跋燾書

省示具悉姦懷爾自恃四腳屢犯國疆諸如此事不可具說王玄
謨退於東梁坦散於西爾謂何日不聞童謠言邪虜馬飲江水佛
狸死卯年此期未至日二軍開飲江之徑爾冥期使然非復人事
寡人受命相滅期之白登師行未遠爾自送死豈容復令生全饗
有桑乾哉但爾住攻此城假令寡人不能殺爾爾由我而死爾若
有幸得爲亂兵所殺爾若不幸則生相鎖縛載日一驢直送都市
我本不圖全若天地無靈力屈於爾齏之粉之屑之裂之如此未

足謝本朝爾識智及眾力豈能勝苻堅邪頃年屢爾陸梁者是爾未飲江太歲未卯故爾斛蘭昔深入彭城值少日雨隻馬不返爾豈億邪卽時春雨已降四方大眾始就雲集爾但安意攻城莫走糧食闕乏者告之當出廩相餽得所送劔刀欲令我揮之爾身邪甚苦人附反各自努力無煩多云

宋書臧質傳

又與虜眾書

示詔虜中諸士庶狸伐見與書如別等正朔之民何爲力自取如此大丈夫豈可不知轉禍爲福邪今寫臺格如別書自思之

宋書臧質傳

密信說南郡王義宣

有大才負大功挾震主之威自古尠有全者宜在人前蚤有處分且萬物莫不係心於公整眾入朝內外孰不欣戴不爾一旦受禍悔無所及

宋書南郡王義宣傳又略見南史十三

震主之威不可持久。主相勢均。事不兩立。今專據閭外地。勝兵彊。持疑不決。則後機致禍。

宋書載
質傳

徐羨之

羨之字宗文。小字千木。東海鄒人。晉太元中爲王雅少傅主簿。後爲劉牢之鎮北功曹。元興初爲桓脩撫軍中兵參軍。武帝舉義。版爲鎮軍參軍。尙書庫部郎。領軍司馬。補琅邪王大司馬參軍。司徒左西屬。徐州別駕從事史。太尉諮議參軍。除鷹揚將軍。琅邪內史。轉太尉左司馬。尋爲吏部尙書。建威將軍。丹陽尹。轉尙書僕射。宋受禪。進號鎮軍將軍。加散騎常侍。封南昌縣公。遷尙書令。揚州刺史。進司空。錄尙書事。少帝卽位。與傅亮謝晦等總朝政。尋行廢立。文帝卽位。進司徒。改封南平郡公。元嘉三年伏誅。

虎牢陷上表自劾

去年逆虜縱肆陵暴河南司州刺史臣德祖竭誠盡力抗對強寇孤城獨守將涉莽年救師淹緩舉城淪沒聖懷垂悼遠近嗟傷陛下殷憂諒闇委政自下臣等謀猷淺蔽託付無成遂令致節之臣抱忠傾覆將士殲辱王略虧挫上歷先規下貽國恥稽之朝典無所辭責雖有司撓筆未加準繩豈宜尸祿昧安殊寵乞蒙屏固已申國法

宋書索虜傳景平元年虜虓虎牢司空徐羨之尚書傅亮領軍將軍謝晦表少帝不許

與左光祿大夫傅亮上表歸政

臣聞元首司契運樞成務臣道代終事盡宣翼亮旒之道理絕於上皇拱己之事不行於中古故高宗不言曰三齡爲斷家宰聽政曰再期爲節百王曰降罔或不然陛下聖德紹興負荷洪業億兆顯顯思陶盛化而聖旨謙挹委成羣司自大禮告終鑽燧三改大明仁照遠邇傾屬臣等雖率誠屢聞未能仰感敢藉品物之情謹因蒼生之志伏願陛下遠存周文日昃之道近思皇室締構之艱

時攬萬機躬親朝政廣闢四聰博詢庶業則雍熙可臻有生幸甚
宋書徐羨之傳

重奏

近陳寫下情言爲心罄奉被還詔鑒許未回豈惟愚臣秉心有在
詢之朝野人無異議何者形風四方實繫王德一國之事本之一
人雖世代不同時殊風異至於主運臣贊古今一揆未有渾心委
任而休明可期此之非宜布自遐邇臣等荷遇二世休感已均情
爲國至豈容順默重披丹心冒昧已請同上

又固陳

比表批陳辭誠俱盡詔旨冲遠未垂聽納三復屏營伏增憂歎臣
聞克隆先構幹蠱之盛業昧且不顯帝王之高義自皇宋創運英
聖有造殷憂未闕艱患仍纏賴天命有底聖明承業時屯國故猶
在民心太山之安未易可保昏明隆替繫在聖躬斯誠周詩夙興

之辰殷王待旦之日豈得無爲拱己復玄古之風逡巡虛挹徇匹
天之事伏願旨宗廟爲重百姓爲心弘大業旨嗣先軌隆聖道旨
增前烈愚瞽所獻情盡於此

同上

奏論郊配

臣聞崇德明祀百王之令典憲章天人自昔之所同雖因革殊時
質文異世所已本情篤敬其揆一也伏惟高祖武皇帝允協靈祇
有命自天弘日靜之勤立蒸民之極帝遷明德光宅八表太和宣
被玄化遐通陛下旨聖哲嗣徽道孚萬國祭禮久廢思光鴻烈饗
帝嚴親今實宜之高祖武皇帝宜配天郊至於地祇之配雖禮無
明文先代舊章每所因循魏晉故典足爲前式謂武敬皇后宜配
北郊蓋述懷已追孝躋聖敬於無窮對越兩儀允洽幽顯者也明
年孟春有事於二郊請宣攝內外詳依舊典

宋書禮志三永初三
年九月司空羨之尚

書令亮等
奏詔可

奏廢廬陵王義真

臣聞二叔不咸、難結隆周、淮南悖縱、禍興盛漢、莫不義、曰斷恩情、
爲法屈、二代之事、殷鑒無遠、仁厚之主、行之不疑、故共叔不絕、幾
傾鄭國、劉英容養、毀廣難深、前事之不忘、後王之成鑒也、案車騎
將軍義真、囚忍之性、爰自稚弱、咸陽之醢、醜聲遠播、先朝猶曰年
在絢綺、冀能改厲、天屬之愛、想開革心、自聖體不豫、呂及大漸、臣
庶憂惶、內外屏氣、而縱博酣酒、日夜無輟、肆口縱言、多行無禮、先
帝貽厥之謀、圖慮經固、親敕陛下、面詔臣等、若遂不悛、必加放黜、
至言苦厲、猶在紙翰、而自茲迄今、日月增甚、至乃委棄藩屏、志還
京邑、潛懷異圖、希幸非冀、轉聚甲卒、徵召車馬、陵墳未乾、情事猶
昨、遂蔑棄遺旨、顯違成規、整棹浮舟、曰示歸志、肆心專己、無復諮
承、聖恩低徊、深垂隱忍、屢遣中使、苦相敦釋、而親對散騎侍郎邢
安泰、廣武將軍茅仲思、縱其悖罵、誚主諫朝、此久播於遠近、暴於

人聽臣聞原火不撲蔓草難除青青不伐終致尋斧況憂深患著社稷慮切請一遵晉朝武陵舊典使顧懷之旨不隊於武廟全宥之德獲申於昵親仰享感慟臨啟悲咽宋書廬陵王勰傳少帝次弟應在義真召義真輕詔不任上祖稷因其與少帝不協乃奏廢之上言追上皇太后尊號

伏惟先姪好柔明塞淵光備六列德昭坤範訓洽母儀用能啟祚聖明奄宅四海而天祚永遠嚴親莫逮臣等參詳遠準春秋近稽漢晉謹追上尊號爲皇太后禮官撰謚用崇寢廟通典七十二元嘉元年

朱興妻周事議

自然之愛虎狼猶仁周之凶忍宜加顯戮臣已爲法律之外故尙弘物之理母之卽刑由子明法爲子之道焉有自容之地雖伏法者當臯而在育者靡容通典作愚謂可特申通典作作并之遐裔宋書徐

南史十五通典一百六十七

徐湛之

湛之字孝源小字仙童羨之兄孫元嘉初除著作佐郎員外散騎侍郎並不就東宮建補太子洗馬轉國子博士遷奮威將軍南彭城沛二郡太守加輔國將軍遷祕書監領右軍將軍轉侍中加驍騎將軍復爲祕書監加散騎常侍遷中護軍未拜又遷太子詹事又遷冠軍將軍丹陽尹進號征虜將軍轉中書令領太子詹事出爲前軍將軍南兗州刺史復入爲丹陽尹轉尚書僕射領護軍將軍元凶弒逆并見害孝武卽位追贈司空諡曰忠烈公

上范曄等反謀表

臣與范曄本無素舊中忝門下與之鄰省屢來見就故漸成周旋比年呂來意態轉見傾軋險忌富貴情深自謂任遇未高遂生怨望非唯攻伐朝士譏謗聖時乃上議朝廷下及藩輔驅扇同異恣

口肆心如此之事已具上簡近員外散騎侍郎孔熙先忽令大將軍府吏仲承祖騰牒及謝綜等意欲收合不逞規有所建已臣昔蒙義康接盼又去歲羣小爲臣妄生風塵謂必嫌懼深見勸誘兼云人情樂亂機不可失識緯天文竝有徵驗牒尋自來復具陳此并說臣論議轉惡全身爲難卽日啟聞被敕使相酬引究其情狀於是悉出檄書選事及同惡人名手墨翰迹謹封上呈凶悖之甚古今罕比由臣聞於交士聞此逆謀臨啟震惶荒情無措宋書范曄宗傳

還郡自陳表

賊臣范曄孔熙先等連結謀逆法靜尼宣分往還與大將軍臣義康共相脣齒備於鞠對伏尋仲承祖始達熙先等意便極言茲狀而臣兒女近情不識大體上聞之初不務指斥紙翰所載尤復漫略者實言凶計既表逆事歸露又仰緣聖慈不欲窮盡故言勢依遲未敢縷陳情旨無隱已昭天鑒及羣凶收禽各有所列曄等口

辭多見誣謫承祖醜言紛紜特甚乃云臣與義康宿有密契在省之言期曰爲定潛通姦意報示天文末云熙先縣指必同曰詎於
 匪或曰智勇見稱或曰愚懦爲目旣美其信懷可覆復駭其動止
 必敗凡諸詭妄還自違伐多舉事跡不究源統齋傳之信無有主
 名所徵之人又已死沒首尾乖互自爲矛盾卽臣誘引之辭曰爲
 始謀之證銜臣糾告並見怨咎縱肆狂言必見禍陷伏自探省亦
 復有由昔義康南出之始敕臣入相伴慰晨夕覲對經踰旬日逆
 圖成謀雖無顯然懟容異意頗形言旨遣臣利刃期曰際會臣苦
 相諫譬深加拒塞曰爲怨憤所至不足爲慮便曰關敗懼成虛妄
 思量反覆實經愚心非爲納受曲相蔽匿又令申情范曄釋中間
 之憾致懷蕭思話恨婚意未申謂此僥倖亦不宜達陛下敦惜天
 倫移於四海藩禁優簡親理咸通又昔蒙眷顧不容自絕音翰信
 命時相往來或言少意多旨深文淺辭色之間往往難測臣每懼

異聞皆略而不荅。惟心無邪悖。故不稍自白。嫌懷悽丹實具如此。敗至於法。婦所傳及熙先等謀。知實不早見。關之日。便即自聞。雖晨光幽燭。曲昭窮款。裁已正義。無所逃刑。束骸北闕。請罪司寇。乾施含宥。未加治考。中旨頻降。制使還往。仰荷恩私。哀惶失守。臣殃積罪深。丁罹酷罰。久應屏棄。永謝人理。況奸謀所染。忠孝頓闕。智防愚淺。闇於禍萌。士類未明其心。羣庶謂之同惡。朝野側目。眾議沸騰。專信讎隙之辭。不復稍相申體。臣雖鴛下。情非木石。豈不知醜點難嬰。伏劔爲易。而覲然視息。忍此餘生。實非苟去微命。假延漏刻。誠日負戾灰滅。貽惡方來。貪及視息。少自披訴。冀幽誠丹款。儻或昭然。雖復身膏草土。九泉無恨。顯居官次。垢穢朝班。厚顏何地。可已自處。乞蒙臨放。伏待鈇鑕。宋書徐湛之傳

翠龜表

句容縣人獲龜一頭。體披素臺。騰露飛集。初學記

三十

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十七

烏程嚴可均校輯

裴松之

松之字世期河東聞喜人晉太元中拜殿中將軍除新野太守
不行拜員外散騎侍郎義熙初爲故鄣令入爲尚書祠部郎武
帝領司州已爲州主簿轉治中從事史召爲世子洗馬除零陵
內史徵國子博士元嘉初爲元從僕射轉中書侍郎司冀二州
大中正出爲永嘉太守入補通直常侍復出爲南琅邪太守致
仕拜中散大夫尋領國子博士進太中大夫封西鄉侯卒年八
十有三國志注六十五卷集二十一卷

請禁私碑表

碑銘之作已明示後昆自非殊功異德無已允應茲典大哲道勳
光遠世所宗推其次節行高妙遺烈可紀若乃亮采登庸績用顯

著勢化所莅。惠訓融遠。述詠所寄。有賴鐫勒。非斯族也。則幾乎僭
黷矣。俗倣偽興。華煩已久。是曰孔懼之銘。行是人非。蔡邕制文。每
有愧色。而自是厥後。其流彌多。預有臣史。必為建立。勒銘取信。
之實。刊石成虛。偽之常。真假相蒙。殆使合美者不貴。但論其功費。
又不可稱。不加禁裁。其倣無已。曰為諸欲立碑者。宜悉令言上。為
朝議所許。然後聽之。庶可自防。過無徵顯。彰茂實。使百世之下。知
其不虛。則義信於仰止。道孚於來葉。宋書裴松之傳又體志二云
義熙中尚書祠部郎裴松之

上三國志注表

臣松之言。臣聞智周則萬理自賓。鑒遠則物無遺照。雖盡性窮微。
深不可識。至於緒餘所寄。則必援手盛迹。是曰體備之量。猶曰好
察邇言。畜德之厚。在於多識往行。伏惟陛下。道該淵極。神超妙物。
暉光日新。仰哉彌盛。雖一貫墳典。怡心玄蹟。猶復降情近代。博觀

興廢將已總括前蹤貽誨來世臣前被詔使采三國異同已注陳壽國志寄書銓敘可觀事多審正誠游覽之苑囿近世之嘉史然失在於略時有所脫漏臣奉詔尋詳務在周悉上搜舊聞勿遺遺逸案三國雖歷年不遠而事關漢晉首尾所涉出入百載注記分錯每多舛互其書所不載事宜存錄者則固不舉取已補其闕或同說一事而辭有乖雜或出事本異疑不能判竝皆鈔內已備異聞若乃紕繆顯然言不附理則隨違矯正已懲其妄其時事當否及壽之小失頗已愚意有所論辯自就撰集已垂歲月寫校始訖謹封上呈竊惟續事已眾色成文蜜蜂已兼采爲味故能使絢素有章甘踰本質臣實頑乏顧慚二物雖自罄厯分絕藻續旣謝淮南食時之敏又微狂簡斐然之作淹留無成祇儼翰墨不足已上酬聖旨少塞愆責愧懼之深若墜淵谷謹拜表自聞隨用流汗臣松之誠惶誠恐頓首頓首死罪謹言元嘉六年七月二十四日中

書侍郎西鄉侯臣裴松之上

明監本
三國志

奉使巡行反奏事

臣聞天道曰下濟光明君德曰廣運爲極古先哲后因心博徵是
曰文思在躬則時雖自洽禮行江漢而美化斯遠故能垂大哉之
休詠廓造周之盛則伏惟陛下神淑玄通道契曠代寔旋華堂聳
心八表咨敬敷之未絕慮明揚之靡曠清問下民哀此鰥寡渙焉
大號周爰四達遠猷形於雅誥惠訓播乎遐陬是故率土仰詠重
譯咸說莫不謳吟踴躍式銘皇風或有扶老攜幼稱歡路左誠由
亭毒既流故忘其白至千載一時於是乎在臣謬蒙銓任忝廁顯
列猥曰短乏思純八表無日宣暢聖旨肅明風化黜陟無序搜揚
寡聞慚懼屏營不知所措奉二十四條謹隨事爲牒伏見癸卯詔
書禮俗得失一依周典每各爲書還具條奏依事爲書曰繫之後

宋書裴
松之傳

庾炳之府公禮敬議炳之南史作仲文

案春秋桓八年祭公逆王后于紀公羊傳曰女在國稱女此其稱王后何王者無外其辭成矣推此而言則炳之爲吏之道定於受命之日矣其辭已成在無外名器既正則禮亦從之且今宰牧之官拜不之職未接之民必有其敬者曰旣受王命則成君民之義故也吏之被敕猶除者受拜民不曰未見闕其被禮吏安可曰未到廢其節乎愚懷所見宜執吏禮宋書庾炳之傳

荅江氏問大功嫁妹

江氏問裴松之曰從兄女先剋此六月與庾長史弟婚其姊蔡氏先三月亡葬送已畢從兄無嗣兒子簡爲後今與從妹同服大功大功未可曰嫁子不知無父而兄有大功服可復嫁妹不荅曰意謂父有大功尙可嫁子兄在大功理無不可今所未了者未知女身大功亦可得嫁不又降而在大功得與本服九月者同不見宗

濤谷范超伯問娶婦之與嫁子輕重有一等之差已身小功可已娶妻女身大功何爲不可已嫁謂此言爲是但其論降在大功者如爲不盡吾曰爲聘納禮重故探其本情適人差輕故已見服爲斷禮無降在大功不可嫁子之文不應於外生疑且有小功下殤之喪過五月便可已娶降在九月者過三月而後嫁計其日月亦一等之謂也

通典六十

荅何承天書論次孫持重

禮嫡不傳重傳重非嫡皆不加服明嫡不可二也范宣所云次孫本無三年之道若應爲服後次孫宜爲喪主終竟三年而不得服三年之服也

通典八十八

雖郭冲條諸葛亮五事

王隱蜀記云晉初扶風王駿鎮關中司馬高平劉寶長史榮陽桓憊諸官屬士大夫共論諸葛亮於時譚者多譏亮託身非所勞困

蜀民力小謀大不能度德量力金城郭冲曰爲亮權智英略有踰
管晏功業未濟論者惑焉條亮五事隱沒不聞於世者實等亦不
能復彈扶風王慨然善冲之言臣松之曰爲亮之異美誠所願聞
然冲之所說實皆可疑謹隨事難之如左

其一事曰亮刑法峻急刻剝百姓自君子小人咸懷怨歎法正諫
曰昔高祖入關約法三章秦民知德今君假借威力跨據一州初
有其國未垂惠撫且客主之義宜相降下願緩刑弛禁曰慰其望
亮荅曰君知其一未知其二秦曰無道政苛民怨匹夫大呼天下
土崩高祖因之可曰弘濟劉章暗弱自焉曰來有累世之恩文法
羈縻互相承奉德政不舉威刑不肅蜀土人士專權自恣君臣之
道漸曰陵替寵之曰位位極則賤順之曰恩恩竭則慢所曰致弊
實由於此吾今威之曰法法行則知恩限之曰爵爵加則知榮榮
恩竝濟上下有節爲治之要於斯而著

難曰案法正在劉主前死今稱法正諫則劉主在也諸葛職爲股肱事歸元首劉主之世亮又未領益州慶賞刑政不出於己尋沖所述亮答專自有其能有違人臣自處之宜曰亮謙慎之體殆必不然又云亮刑法峻急刻剝百姓未聞善政曰刻剝爲稱

其二事曰曹公遣刺客見劉備方得交接開論伐魏形勢甚合備計稍欲親近刺客尙未得便會旣而亮入魏客神色失措亮因而察之亦知非常人須臾客如廁備謂亮曰向得奇士足曰助君補益亮問所在備曰起者其人也亮徐歎曰觀客色動而神懼視低而忤數奸形外漏邪心內藏必曹氏刺客也追之已越牆而走難曰凡爲刺客皆暴虎憑河死而無悔者也劉主有知人之鑒而惑於此客則此客亦一時之奇士也又語諸葛云足曰助君補益則亦諸葛之流亞也凡如諸葛之儔鮮有爲人作刺客者矣時主亦當惜其器用必不投之死地也且此人不死要應顯達爲魏竟

是誰乎。何其寂蔑而無聞。

三事曰：亮屯於陽平，遣魏延諸軍并兵東下，亮惟留萬人守城。晉宣帝率二十萬眾拒亮，而與延軍錯道，徑至前，當亮六十里所。值候白：宣帝說亮在城中，兵少力弱。亮亦知宣帝垂至，已與相逼，欲前赴延軍，相去又遠，回迹反追，勢不相及。將士失色，莫知其計。亮意氣自若，敕軍中皆臥，旗息鼓，不得妄出，卷幔。又令大開四城門，埽地卻灑。宣帝常謂亮持重，而猥見勢弱，疑其有伏兵。於是引軍北趣山。明日食時，亮謂參佐拊手大笑曰：「司馬懿必謂吾怯，將有彊伏，循山走矣。」候還白如亮所言。宣帝後知，深自爲恨。

難曰：案陽平在漢中，亮初屯陽平，宣帝尙爲荊州都督，鎮宛城。至曹真死後，始與亮於關中相抗禦耳。魏嘗遣宣帝自宛由西城伐蜀，值霖雨不果。此之前後，無復有與陽平交兵事。就如沖言，宣帝旣舉二十萬眾，已知亮兵少力弱，若疑其有伏兵，正可設防持重。

何至便走乎。案魏延傳云：延每隨亮出，輒欲請精兵萬人與亮異道，會於潼關。亮制而不許。延常謂亮爲怯，歎已才用之不盡也。亮尙不以延爲萬人別統，豈得如冲言頓使將軍兵在前而己輕弱自守乎？且冲與扶風王言，顯彰宣帝之短，對子毀父，理所不容。而云扶風王慨然善冲之言，故知此書舉引皆虛。

四事曰：亮出祁山，隴西南安二郡應時降。圍天水，拔冀城，虜姜維，驅略士女數千人還。蜀人皆賀亮，亮顏色愀然，有戚容。謝曰：「普天之下，莫非漢民，國家威力未舉，使百姓困於豺狼之吻，一夫有死，皆亮之罪。」以此相賀，能不爲愧。於是蜀人咸知亮有吞魏之志，非惟拓境而已。

難曰：亮有吞魏之志久矣，不始於此。蜀人方知也，且於時師出無成，傷缺而反者眾。三郡歸降，而不能有姜維、天水之匹夫耳。獲之則於魏何損？拔西縣千家，不補街亭所喪。且何爲功而蜀人相賀？

乎。

五事曰、魏明帝自征蜀、幸長安、遣宣王督張郃諸軍、窺涼、勁卒三十餘萬、潛軍密進、規回劔閣、亮時在祁山、旌旗利器、守在險要、十二更下在者八萬、時魏軍始陳、幡兵適交、參佐咸曰、賊眾強盛、非力所制、宜權停下兵一月、以并聲勢、亮曰、吾統武行師、以大信爲本、得原失信、古人所惜、去者束裝、以待期、妻子鶴望而計日、雖臨征難、義所不廢、皆催遣令去、於是去者感悅、願留一戰、往者憤踊、思致死命、相謂曰、諸葛公之恩、死猶不報也、臨戰之日、莫不拔刃爭先、以一當十、殺張郃、卻宣王、一戰大剋、此信之由也。

難曰、臣松之案、亮前出祁山、魏文帝身至長安耳、此年不復自來、且亮大軍在關、璽、魏人何由得越亮徑向劔閣、亮旣出戰場、本無久住之規、而方休兵還蜀、皆非經通之言、孫盛習鑿齒、搜求異同、罔有所遺、而竝不多載、沖言、知其乖刺多矣。蜀志諸葛亮傳注

裴駰

駰字龍駒松之子爲南中郎外兵曹參軍有史記集解八十卷
史記集解序

班固有言曰司馬遷據左氏國語采世本戰國策述楚漢春秋接
其後事訖於天漢其言秦漢詳矣至於采經摭傳分散數家之事
甚多疏略或有牴牾亦其所涉獵者廣博貫穿經傳馳騁古今上
下數千載閒斯已勤矣又其是非頗謬於聖人論大道則先黃老
而後六經序遊俠則退庶士而進姦雄述貨殖則崇勢利此其所
蔽也然自劉向揚雄博極羣書皆稱遷有良史之才服其善序事
理辯而不華質而不俚其文直其事核不虛美不隱惡故謂之實
錄駰曰爲固之所言世稱其當雖時有紕繆實勒成一家總其大
較信命世之宏才也攷較此書文句不同有多有少莫辯其實而
世之惑者定彼從此是非相貿真僞舛雜故中散大夫東莞徐廣

研核擧本爲音義具列異同兼述訓解粗有所發明而殊恨省略聊已愚管增演徐氏采經傳百家并先儒之說豫是有益悉皆鈔內刪其游辭取其要實或義在可疑則數家兼列漢書音義稱臣爵者莫知氏姓今直云瓚曰又都無姓名者但云漢書音義時見微意有所裨補譬時星之繼朝陽飛塵之集華嶽呂徐爲本號曰集解未詳則闕弗敢臆說人心不同聞見異辭班氏所謂疏略牴牾者依違不悉辯也愧非胥臣之多聞子產之博物妄言末學無穢舊史豈足呂闕諸畜德庶幾無所用心而已

宋本史記

王敬弘

敬弘本名裕之避武帝諱改稱字琅邪臨沂人晉司州刺史胡之孫太元隆安間歷本國左常侍衛軍參軍天門太守轉桓偉安西長史南平太守去官桓玄篡位屢召不就玄平起爲武帝車騎從事中郎徐州治中從事史征西道規諮議參軍入爲中

書侍郎轉黃門侍郎不拜仍除武帝太尉從事中郎出爲吳興太守尋徵爲侍中宋國建昌爲度支尚書遷太常及受禪補宣訓衛尉加散騎常侍轉吏部尚書文帝卽位昌爲金紫光祿大夫領江夏王師遷尚書左僕射又遷尚書令固辭改授侍中特進左光祿大夫致仕徵爲太子少傅再徵爲左光祿大夫開府儀同三司皆不拜元嘉二十四年卒年八十順帝昇明二年追諡曰文貞

案隋志梁有左光祿大夫王敬集五卷錄一卷當卽此轉寫有誤脫耳

辭太子少傅表

伏見詔書臣爲太子少傅承命震惶喜懼交悸臣抱疾東荒志絕榮觀不悟聖恩猥復加寵東宮之重四海瞻望非臣薄德所可居之今海內英秀應選者多且板築之下豈無高逸而近私恩枉汗辱清朝嗚呼微臣永非復大之一物矣所昌牽曳闕下者實瞻望聖顏貪饗表之旨臣如此而歸夕死無恨

宋書王敬弘傳元嘉二十二年徵爲太子少

傳敬別諸京師上表詔不許僉辱上竟已不拜東歸

辭左光祿大夫問府儀同三司表

臣比自啟聞謂誠心已達天鑒玄邈未蒙在宥不敢宴處率曳戟馳臣聞君子行道忘其爲身三復斯言若可庶勉願惜惜耄志與願違禮年七十老而傳家家道猶然況於在國伏願陛下矜臣西夕愍臣一至特迴聖恩賜反其所則天道下濟愚心盡矣宋書王
十六年召爲左光祿大夫問府儀同三
同時冲如故請京師上表竟不拜東歸
又表

臣躬耕南澧不求聞達先帝拔臣於蠻荆之域賜以國土之遇陛下嗣徽特蒙眷齒由是感激委質聖朝雖懷犬馬之誠遂無塵露之益年向九十生理殆盡永絕天光淪沒丘壑謹冒奉表傷心久之宋書王敬弘傳二十三年重申前令入表
奏請徵王弘之郭希林

聖明司契載德惟新垂鑑仄微表揚隱介默語仰風荒遐傾首前
員外散騎常侍琅邪王弘之恬漠三畝放心居逸前衛將軍參軍
武昌郭希林素履純潔嗣徽前武並擊壤聖朝未蒙表飾宜加旌
賤賁於丘園弘彰止遜之美弘祛勸求之累臣愚謂弘之可太子
庶子希林可著作郎

宋書王弘之傳弘之家在會稽上虞從兄敬弘爲吏部尚書奏云云

又陳

弘之高行表於初筮苦節彰於暮年今內外晏然當修太平之化
宜招空谷弘敦冲退之美

宋書王弘之傳太祖卽位敬弘爲左僕射又陳

與子恢之書

祿書有限故有競朝請無限故無競吾欲使汝處於不競之地

宋書

王敬弘傳子恢之被召爲祿書郎敬弘爲求奉朝請與恢之書

王昇之

昇之字休道敬弘第三子大明初爲光祿勳累遷至都官尚書

墾起湖田議

遠廢之曠方翦荆棘率課窮乏其事彌難資徒粗立徐行無晚宋

孔季恭傳大明初孔續守爲丹陽尹表徙無資之家於餘姚鄞鄞三縣界墾起湖田光祿勳王昇之議

賜進士出身三品銜廣東等處提刑按察使司按察使兼管驛傳事務黃岡王毓藻校刊